

湖南府縣志輯

三國志集成

乾隆岳州府志
光緒巴陵縣志(一)

中國地方志集成

湖南府縣志輯 ⑥

乾隆岳州府志

光緒巴陵縣志(一)

江蘇古籍出版社●上海書店●巴蜀書社

岳州府志序



岳州襟帶江湖控扼要害
水陸舟車之所會古名郡
也

國家重熙累洽久道化成山
陬海澨之區聲教所訖政

志序

立事舉凡山川財賦兵防
學校人物藝文之類官其
土者莫不勒為成書以垂
久遠岳之有志由來舊矣
然余觀直省郡縣志書所
紀山川財賦等大槩相同

志序

而或體裁未善繁簡失宜
又或記載失實臧否混淆
前人之失抑亦後人之責
也且歷時久則事多變革
典須增益勢亦不應復守
其舊由前之說其宜修也

存乎書由後之說其宜修
也因乎時蓋不獨岳志為
然也夫今之郡守即古之
諸侯漢時二千石多入為
三公任綦重矣乃冗闕者
百務俱廢所謂才且能者

又簿書期會而外不能復
及乎他存乎書者孰從而
訂正之存乎時者孰從而
附益之其於志也殆如秦
越人之視肥瘠耳乙丑夏
余奉

志序

三

天子命來撫南邦查閱省志仍
合南北為一即有志分纂
以下車伊始尚未之逮既
而郡縣各以其志郵致亦
苟簡率畧者多而詳脩明
確者少推原其故蓋楚經

吳逆兵燹典章殘毀考核
維艱而當時秉筆之人又
未必皆好古淹雅之才足
以網羅散失旁叅遠取所
謂存什一於千百安在其
能無憾耶夫省志者郡縣

志序

四

之合也欲省志善當自郡
縣始遼岳守黃君凝道來
謁與語及此則黃守已先
一載詳允脩輯府志今丙
寅夏遂編輯成書取而閱
之搜羅散失訂正訛謬更

定篇目增廣事類岳之山
川財賦兵防學校人物藝
文開卷瞭如較之舊志完
善多矣余嘉黃守之政勤
而心勞其有裨於岳非淺
鮮也爰書數言以弁其端

并以告各郡守使知余他
日省志之修蓋不能無望
於衆腋之集焉

宛氏撰



岳州府志序

自古志乘之設所以章物
采辨土宜叙人事垂典則
資考鑒也顧其體裁有別
自州縣以至直省所在多
有大小異宜詳略殊致而

志序

郡志則介乎詳略之間者
也岳州為古名郡西有洞
庭之險東連幕阜諸山北
據漢沔南控瀟湘扼全楚
咽喉夙稱要區茲茲土者
公瑾議戰子敬議守茲公

以詩子京以政莫不彪炳

兩間照耀史策茲考宋代
以來楊公闡勵之迹接跡
其間

國初又重之以吳遂之變兵
燹屢經父與獻兩無激焉

志序

有志復古者不禁為之撫
膺長嘆也歲壬戌余不佞
恭承

簡命來守是邦博搜典要以供
採擇更以一編進則丙辰
李倬署篆時即往帙而翻

鑄之者也披閱數過事簡
文繁義例未著暢焉靡寧
思一為校正而案牘絲棼
日無暇晷越四載適平江
謝令調衡閑居文行素優
於此都風土官遊家憲幣

志序

三

聘重脩繁者刪黜者補舛
錯者更定譌謬者釐剔而
一時賓僚暨四邑令長紳
士各出思議互相折衷經
始於乙丑端陽告成於丙
寅上巳凡歷十一晦朔而

謝令亦被

召入都矣視舊本十更其八為
圖紀各一為志二十六領
之

皇言以統一尊夫作志之難
於作史一嚴予奈無所瞻

志序

四

狗志采輿評往阿私所
好且見聞弗擴考覈維艱
或事接藻摘華而於民生
吏治及視若弁髦所以貽
譏蓋穢是編所華寧謹毋
濫寧質毋華寧核毋誕匪

閩代理罔入蒐羅而於忠
孝節義治亂安危之故一
篇之中三致意焉凡以備
一郡文獻而資考鑒詳略
庶乎適中已余宦途庶
自愧不文操刀思割安保

志序

五

吾掛漏之譏惟是二三同
志勦其不逮廣所未聞相
與薈萃咸編索訂之勞不
容泯沒謹質其巔末以
詒來茲茲夫閩乃府藏毋
俾鋟版偽竄致後之視今

猶今之視昔端有望於接
踵君子

乾隆十一年歲次丙寅上
巳日知湖南岳州府事加
二級海陽黃凝道譔并書

志序

六



舊戊申志序

往讀建安范氏岳陽風土紀輒渺渺動楚遊之思時則身在楚外耳頃丁未夏薄宦柳州移守巴陵郡洞庭八百里君山一點近在几席間如任山人不解看山又如躬耕人莫知苗碩矣且執掌一城日不暇給巴以東華以西五馬未遑焉亟思徵文獻按圖續爲便宜地不可得適東陵李令君同容城嚴處士纂修郡志將稿屬予予以簿書之暇謬爲較訂繁者刪之缺者補之劉覽一過上下古今毫髮無遺昔人課二千石

岳州府志

舊序

一

有生有熟今得是書予乃熟於岳矣夫今之岳非猶古之岳也古之司岳者公瑾議戰子敬議守而今非復用武時燕公以詩子京以文而今又非暇論文時也休息則仗木傳經營必須制置魚龍不饒司直荏苒除是飛來何易言哉漢儒云天無常運地無常質蓋責在人事也無常運故隆汙應手無常質故滄桑轉盼讀是書者宜今因思考古考古則思復古仍旦暮事耳是役也經始自丙午冬迄戊申春令君意欲捐貲授梓予以一日之長勉力首倡并集各屬同志

匡所未逮乃觀厥成視昔摩揣風土渺望楚天者所獲何如哉昔康熙戊申夏月知岳州府事蘇之升

又序

國家開國用武繼治以文匪治則不暇文匪文亦無以長治也漢初課吏先重三老五更通天人察土宜諳所在掌故然後循良踵接焉唐宣宗密令韋京兆纂次風土景物號曰處分語則皆致治之書也以文治也予筮仕楚岳會六師辟蜀盡瘁無暇隙頃告成再暮矣當路檄取郡邑

岳州府志

舊序

二

志爰是分守孫屬巴陵令李領袖闔郡開局纂修延章華隱者嚴君秉筆嚴君其今之三老五更哉顧予於岳撫輯不啻韋京兆也予自壬寅服官迄今可五年岳之屬八州邑跋涉無虛日聽觀所逮輒思紀載王仲任有言知今不知古者爲鹵莽知古不知今者爲陸沉今之岳不異於古者長江耳洞庭耳東望幕阜西望石門元石諸峯耳若乃土田如舊而稼穡莫問風物不殊而流遺靡存責在岳歟亦泄有茲岳者責歟自昔墳典邱索大酉小酉天下藏書強半在楚

楚書足以治天下久矣離騷孤臣之放言也漢宣帝用爲經術荊州風土小儒之厄言也孟忠襄採以行軍何況今所紀皆掌故供明君賢相良有司處分者乎後之君子治岳以文則文在茲矣岳州府推官連應鄭

又序

古者量能授官服官者亦量而後入故官與人宜其事宜並其地靡弗宜也後世惟其官不惟其能則必學且問焉而後從事因是以思郡邑之有志也匪但郡人邑人事在官者事也尤初

岳州府志

舊序

三

服官始至於境者事也康熙五年予以書生自齊入楚承乏東陵彌望皆萬頃波夾岸則危磴鳥道山川在目而不能得其要領其中風土人事舉無間處亡何當路馳檄徵郡志觀察孫大人則捐俸倡始屬予延容城嚴平子開局始事詢之則岳志修在嘉隆前迨兵燹後什存一二平子自崇正壬午預纂楚乘加意梓里迄順治辛卯經始岳志今十有五年採摭無虛日增益成書予以俗吏任劇邑日不暇給時篝燈共探討凡再拜然後授梓夫郡志與國史異彷彿家

乘有美無刺非可陽秋用以鳴盛此則郡人邑人意非居官者意也自古言天則言災異不言符瑞察土以瘠問民所苦辟之知心者但知其憂愛苗者莫知其碩耳以予觀岳瀕水則爲鰲室負山又爲巖邑市無華肆人鮮服美蓋難言哉昔漢宣帝核吏則參考輿圖向文簡周知天下戶口阨塞爲救時宰相予不敏思與岳宜非日能之願學焉請自此志始康熙戊申夏月知巴陵縣事李爝

舊乙丑志序

岳州府志

舊序

四

志以紀信猶之國有信史所固然也然斟酌損益不核其實而名之是徇末可以言信也不舉其要而摭拾以備觀未可以言信也不詳疆界境域之分而借取他郡之所有以誇美信矣猶之未信也夫求信之道其難有四從來遞興遞廢代有變遷苟徒循舊章而罔知增損則往者不之覈而來者無所稽其難一也是非同異人持一喙聚訟不決牽情制勢曲意以徇其難二也所見異辭所聞異辭所傳聞異辭魯魚亥豕傳訛莫辨其難三也或行文使才取快議論之

長以致過爲揚詡妄加裁削俾大美勿傳因端附會其難四也珥筆者爲平心考理公聽竝觀不墮四者之弊志之可信已過半矣予自己未秋奉

命來守是邦時以王事鞅掌不遑坐理今奉上憲檄取郡志此誠千載盛事敢不殫力以圖厥成也哉且夫志岳於昔之日也易志岳於今日也難曩者農服先疇士食舊德家有賜書人矜博物故其編輯也易茲者老成凋謝兵燹累經故府之藏書先民之遺卷杳焉無稽其爲校讐也

岳州府志

舊序

五

難昔孔子致歎於文獻之無徵夫無徵奚以取信哉乃旁搜廣覽得舊志一帙於灰燼之餘訪之縉紳中有楊君媯宮者素稱博物君子著作甚富予因禮聘而楊君亦不我棄欣然任之爰相訂曰予觀舊志匪不自成一家言然詳畧之宜是非之當盛衰興廢之故未必不有俟乎後之君子吾聞古之良史不虛美不隱諱不激詭不抑抗不漏事於辭中不溢辭於事外志之爲道不其然歟與其煩而誕無寧簡而核與其瑣委而蕪穢無寧執要而有體且予之蒞茲土者

岳州府志

舊序

六

有年凡登臨跋涉耳濡目染幾徧境內其間土物風俗疆里庸調以及忠孝節烈之所著山川草木之所鍾大概半悉於胷中君且出腹笥之蘊發笈尋求攬遺書而綜舊聞於是刪繁刈蕪補漏綴軼參互考訂期於至當如此而猶不核其實而名之是徇者無之矣不攬其要而撫拾以備觀者無之矣不詳疆界境域之限而借取他郡之事以誇美者無之矣楊君然予言乃肆力搜羅鍵戶討論一篇之中三致意焉間有所疑必商質於予復詢之兩學廣文所見既同乃授剞劂其間或先事以立例或後事以伸斷或錯綜以見義閱兩月而志成非敢曰光昭藝苑亦以登一蹕之實錄云爾昔康熙二十四年乙丑孟秋岳州府知府李遇時

凡例十三條

一考據必本之史鑑通考通典及一統志岳陽風土記戊申乙丑丙辰舊郡志四縣舊志而旁參以百家記載其制度一遵

大清會典并節年奉到部文如無稽者不錄

一舊志簡畧過甚茲增其目爲二十八積貯恤政儀禮事紀皆創立疆域公署學校祀典賦役風俗兵防則因其僅有之名而另輯新編寺觀舊附祠祀水利舊名隄防今則改志餘亦悉加增訂全非舊文

岳州府志

凡例

一

一輿圖爲全志綱領舊志潦艸不堪茲令畫工登山涉水遍歷境內數易其稿半載方成繪圖十二其間山川疆域城池公署塘汎橋渡無不縷析條分俾閱者瞭如指掌

一志乘乃古今記載之辭且雍正八年欽奉

諭旨纂修故各省新志卽大吏亦稱官稱名今本志正文悉如例直書惟論贊屬作者之筆始有尊稱

一志倣於史所以紀政治乃文人載筆徒取艷於名山勝水古蹟詠歌而反畧於古今事理是編

於郡邑治亂修廢財賦兵農禮教風化務必加詳亦以政治所關不敢不備爾

一名宦鄉賢孝子節婦非奉

題允例不列祀今除未奉定例以前所列者仍照舊列入其定例以後悉遵例行至官宦止敘政蹟人物止敘實行與列祀有間舊志政行顯著者仍爲立傳惟現任之官現存之紳則且俟之將來

一舊志秩官不載佐貳以下各職選舉不載議敘以下諸途今援

岳州府志

凡例

二

國典所榮悉行增入武職前明衛所亦并增編亦共勵官常使咸奮於功名之路云

一僭竊之國不標年號各篇事實有必不能畧者則以小注敘明其僭竊之臣舊志濫入祠祀名宦者悉行刪去又淫奔小說舊志混列雜紀有傷風化并從嚴刪

一舊志載歷朝封贈誥勅品秩相等千官一詞盡載既嫌重複擇載又涉偏私且疑於家乘今悉從刪惟將封贈姓名錄附選舉之後使勵忠教孝盛典均沾焉

一岳郡兵燹之後家鮮載籍今次纂修平臨華三邑尚有舊縣志可稽惟巴陵殘缺縣志亦僅分郡志爲編前代傳聞今無考證故各條內巴陵復多闕文

一舊志敘事無緒且綴屬不以其類今悉條分縷析又每篇爲總取便披閱其本條未盡則有附條若事雖相類而所關頗鉅或事不相類而連屬有因則另爲附志并加序論以殿於前篇

一編中引據他書皆標出本書名目不敢掠人之美且使其說有從來其間參以所見則中加

岳州府志

凡例

三

一按字以別於前文

一本志開局於乙丑五月告竣於丙寅三月中旬稽考古籍檢閱文卷諮訪老成辨明而起夜分而輟僅獲脫稿挂漏承訛咎所不免尤冀博雅補訂

岳州府志凡例終

計三頁尾空四行

岳州府志纂修姓氏

鑒定

岳州府知府黃凝道

同參

岳州府清軍同知殷良棟

岳州府督糧通判福亮

纂修

原任衡陽縣知縣謝仲坑

校訂

江南常州府生員盧鵬

岳州府志

采輯

巴陵縣知縣薛謝

平江縣知縣楊富崙

臨湘縣知縣魏成漢

華容縣知縣洪成

原任岳州衛守備王汝丹

編次

岳州府儒學教授蕭士俊

岳州府儒學訓導向瑜

分校

巴陵縣進士許伯政	平江縣舉人彭昌鳳	臨湘縣舉人張琬	巴陵縣生員方廷楷	平江縣生員童先及	臨湘縣生員李杜	華容縣生員易裕奎	華容縣生員秦隴	監刊	岳州府經歷沈成元	岳州府志	二
----------	----------	---------	----------	----------	---------	----------	---------	----	----------	------	---

岳州府志目錄	卷首	皇言	卷之一	輿圖	卷之二	星野	卷之三	沿革	卷之四	岳州府志	目次	一
山川	卷之五	疆域	附橋渡	卷之六	城池	附街巷	卷之七	公署	附監獄	附監獄	附監獄	附監獄
學校	卷之八	附書院	附書院	附書院	附書院	附書院	附書院	附書院	附書院	附書院	附書院	附書院
卷之九	附學校	附學校	附學校	附學校	附學校	附學校	附學校	附學校	附學校	附學校	附學校	附學校

祀典

卷之十

賦役上

卷之十一

賦役下

附鹽課

卷之十二

物產

卷之十三

積貯

附漕倉

卷之十四

岳州府志

目次

水利

卷之十五

恤政

卷之十六

風俗

卷之十七

儀禮

卷之十八

兵防

卷之十九

秩官

卷之二十

名宦

附流寓

卷之二十一

選舉

卷之二十二

人物

卷之二十三

列女

卷之二十四

岳州府志

目次

仙釋

卷之二十五

古蹟

附冢墓

卷之二十六

寺觀

卷之二十七

藝文上

卷之二十八

藝文下

卷之二十九

事紀 附封建考

卷之三

雜志

岳州府志

目次

四

岳州府志目錄終

計四頁尾
空十六行

岳州府志卷首

皇言

康熙十八年七月二十日

皇帝遣禮部主事鮑復業致祭於洞庭湖之神曰朕惟景運長隆允藉百靈之助明神效順聿修歲秩之文是以詩誦懷柔禮敦禋祀緬稽祭義胥答鴻庥况乎肆征不庭佐國威於有赫采入其阻彰神怒之式憑幽贊聿昭褒稱宜懋惟神德符河海秀結東南納三峽之洪流匯九江之殊派膏吳潤楚普美利以成能浴日含雲協太虛而敷化粵自唐

岳州府志

卷首 皇言

宋歷被崇封暨我國家彌宣偉績頃者逆氛未靖天討用加地當師旅之屯衆賴精英之祐閱時八月波浪無驚俾我六軍舳艫共濟堅城立拔餘孽宵奔眷言撻伐之奇勳實屬神功之丕顯特申昭報式考彝章封爲洞庭湖之神載諸祀典神其永膺嘉號配岳瀆而偕尊益著珍符格馨香於勿替專官告祭惟神鑒知

雍正三年四月二十二日

皇帝遣湖廣提督魏國經致祭洞庭湖之神曰維神靈鍾荆楚膏潤東南三峽匯流九江合派朕撫馭



寶區考稽典禮將祈福以庇民宜加封而致祭爰命所司崇神封號曰涵元匯利洞庭湖之神惟冀波浪永靜蒸黎獲利濟之安風雨以時稼穡享屢豐之慶神其昭鑒來享茲芬

雍正五年七月十三日奉

上諭前聞湖南濱湖之州縣有數處被水已降諭旨令湖廣總督會同湖南巡撫查明加恩賑恤今據布蘭泰奏報今年五月以後雨水稍多兼之川襄水發匯赴洞庭其近湖低窪之處有湘陰益陽巴陵臨湘華容澧州安鄉岳州武陵龍陽沅江等十

岳州府志

卷首 皇言

二

一州縣衛申報被水已經委員查勘動支公用銀兩賑恤其餘長沙等九府州屬各報早稻已於六月初收成約計有八分九分十分不等其中晚二稻盡皆秀發八月俱可收穫目今米麥價值俱已平減等語朕前令該督撫行查湖南被水之地今據布蘭泰奏報十一州縣衛甚屬明晰此數州縣連年被水甚為可憫著照湖北被水之地一體加恩雖據布蘭泰奏稱已經動用銀兩委員賑恤朕恐所發之銀或未敷用著再動用司庫帑銀二萬兩作速確查散給務使窮民均需實惠如王國棟

已經到任卽交與王國棟料理至湖北湖南近江濱湖之地雖地勢低窪易至泛溢然居民常被水患朕心深為憫惻或有堤岸未修或有疏濬不力務須設法經理以安民居俟邁柱到任後會同湖北湖南巡撫悉心商酌將如何興修防護之處詳悉速議具奏又聞近日湖南米價稍貴之時卽有奸民撐駕小舟指稱被水災民求乞米糧而搶劫客舟財物者凡屬良民斷無有因一時被水米貴而肯甘心為盜之理此皆平素兇惡匪類冒懷詭詐乘地方少有早潦遂以迫於饑寒為名煽惑衆心妄行不法甚屬可惡卽如向來京城地方偶值陰雨車輛難行米價亦覺驟長此尋常各處必有之事豈容小民藉口以為非乎據布蘭泰奏稱湖南生事為首之奸民已被擒獲著該督撫嚴加審訊或另有指使之人或再有兇惡之黨務期究問明白不可言迫於饑寒不得已而為此少加寬縱也著分別首從定擬具奏

雍正九年正月二十一日奉

上諭朕聞洞庭一湖綿亘八百餘里自岳州出湖以君山為標準一望杳渺橫無涯際而舵桿洲居西

岳州府志

卷首 皇言

三